

«BIOKIMYO» AJ
акциядорларининг 2022 йил 29 июндаги
Умумий йиғилиши қарори билан

«ТАСДИҚЛАНГАН»

Умумий йиғилиш Раиси А.Тугизбаев
М.Ў.

**«BIOKIMYO»
AKSIYADORLIK JAMIYATINING**

**Тафтиш комиссияси (Тафтишчи) тўғрисидаги
Н И З О М И
(янги таҳрири)**

Янгийул тумани – 2022 йил

М У Н Д А Р И Ж А

1. Умумий қоидалар	3
2. Жамият Тафтиш комиссиясининг ваколатлари.	3
3. Тафтиш комиссиясининг таркиби.	3
4. Жамият Тафтиш комиссияси аъзоларига доир малака талаблари	4
5. Тафтиш комиссияси Раиси.	4
6. Тафтиш комиссияси аъзоларининг ҳуқуқ ва мажбуриятлари	4
7. Жамият Тафтиш комиссиясининг мажлислари.	5
8. Тафтиш текширувларини ўтказиш тартиби	5

1. Умумий қондалар

1.1. Мазкур Низом «BIOKIMYO» Aksiyadorlik jamiyatining (бундан буён матнда Жамият деб юритилади) Тафтиш комиссиясининг ташкил этиш ва унинг фаолият тартибини, аъзоларини сайлашни, шунингдек уларнинг ҳуқуқ ва мажбуриятларини белгилайди.

1.2. Мазкур Низом Ўзбекистон Республикасининг 2014 йил 6-майдаги 370-сон «Акциядорлик жамиятлари ва акциядорлар ҳуқуқларини ҳимоя қилиш тўғрисида» Қонуни (бундан буён матнда Қонун деб юритилади), акциядорлик жамиятлари фаолиятининг самарадорлигини ошириш ва корпоратив бошқарув тизимини такомиллаштириш комиссияси йиғилишининг 2015 йил 31 декабрдаги 9-сон баённомаси билан тасдиқланган “Корпоратив бошқарув кодекси” (бундан буён матнда Кодекс деб юритилади) ҳамда Жамият Уставига мувофиқ ишлаб чиқилган.

1.3. Жамият Тафтиш комиссияси ўз ишини қонунчилик, мазкур Устав ва акциядорлар Умумий йиғилиши қарори билан тасдиқланган мазкур «Тафтиш комиссияси (Тафтишчи) тўғрисида»ги низом асосида амалга оширади.

1.4. Жамиятнинг молия-хўжалик фаолиятини назорат қилиш учун жамият Уставига мувофиқ акциядорларнинг Умумий йиғилиши Тафтиш комиссияси (Тафтишчи) ни сайлаши мумкин.

2. Жамият Тафтиш комиссияси (Тафтишчи) нинг ваколатлари

2.1. Акциядорлар Тафтиш комиссиясининг ваколат доирасига қуйидагилар киради:

Жамиятнинг молия-хўжалик фаолияти тўғрисидаги ҳужжатлардан эркин фойдаланиш ва Жамият Тафтиш комиссияга зиммасига юклатилган вазифаларни бажариш учун бу ҳужжатларни Жамият ижроия органида мансабни эгаллаб турган шахслардан ёзма талаби асосида олиш. Жамият Тафтиш комиссияси ва унинг аъзолари олинган ҳужжатлардан фақат хизмат мақсадларида фойдаланиши мумкин;

Жамиятнинг молия-хўжалик фаолиятини текшириш ва текшириш яқунларига кўра хулосани тузиш ва акциядорларнинг йиллик Умумий йиғилишига эшитишга тақдим этиш;

Тафтиш комиссияси Жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани тузиш ва Жамият Кузатув кенгашининг мажлисига тақдим этиш;

қонунчиликка ва мазкур Уставга мувофиқ акциядорларнинг навбатдан ташқари Умумий йиғилиши чақирилишини талаб қилиш;

Тафтиш комиссияси ва ички аудит хизматининг кузатув кенгаши, акциядорлар умумий йиғилиши, миноритар акциядорлар қўмитаси (агар мавжуд бўлса) ва акциядорлар билан ўзаро ҳамкорлиги тартибини ишлаб чиқиш ва тасдиқлаш;

Жамият ички назорат органининг аъзоларига тўланадиган компенсация ва мукофот пуллари ҳисоблаш тартибини тасдиқлаш;

қонунчиликка ва мазкур Уставга мувофиқ Кузатув кенгашини мажлисини чақирилишини талаб қилиш;

Тафтиш комиссиянинг ваколат доирасига қонунчиликка ва Жамият Уставга мувофиқ бошқа масалаларни ҳал этиш ҳам киритилиши мумкин.

2.2. Тафтиш комиссияси Жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани **ҳар чоракда** Жамият Кузатув кенгашининг мажлисига олиб чиқади.

3. Тафтиш комиссияси (Тафтишчи) нинг таркиби

3.1. Тафтиш комиссияси акциядорлар Умумий йиғилиши томонидан уч йил муддатга сайланиши мумкин. Овоз бериш Тафтиш комиссияси аъзолигига ҳар бир номзод бўйича алоҳида ўтказилади.

3.2. Тафтиш комиссияси таркиби сони Жамият Уставида белгиланади.

3.4. Айти бир шахс айти бир Жамиятнинг Тафтиш комиссияси таркибига кетма-кет уч мартадан ортиқ сайланиши мумкин эмас.

3.5. Жамият Тафтиш комиссиясининг аъзолари бир вақтнинг ўзида Жамият Кузатув кенгашининг аъзоси бўлиши, шунингдек айти шу Жамиятда меҳнат шартномаси (контракт) бўйича ишлаши мумкин эмас.

3.6. Акциядорлик жамияти Бошқарувининг аъзолари Тафтиш комиссияси таркибига кириш ҳуқуқига эга эмаслар.

4. Жамият Тафтиш комиссияси (Тафтишчи) аъзоларига доир малака талаблари.

4.1. Тафтиш комиссияси аъзолари олий маълумотга эга бўлиши;

4.2. Қуйидаги соҳаларда билимга ва маҳоратга эга бўлиши:

- корхонани бошқариш, молиявий менежмент, ички назорат соҳасида;
- бухгалтерия ҳисоби, аудит ва молия соҳасида;
- корпоратив бошқарув соҳасида.

4.3. Мос келадиган стандартлар, қонунлар, техник регламентлар, қоида, нуқтаи назар, усул ва бухгалтерия ҳисоби услублари соҳасидаги билимларга эга бўлиши;

4.4. Молия, молиявий ҳисоботларни тайёрлаш ва бошқариш соҳасида тегишли қарорларни қабул қилишни назарда тутувчи бошқарув соҳасида ёки малака доирасида амалий иш тажрибасига эга бўлиши;

4.5. Тафтиш комиссияси таркибида камида бир йиллик тажрибаси бўлиши шарт.

5. Тафтиш комиссияси Раиси

5.1. Тафтиш комиссияси Раиси Жамият Тафтиш комиссияси аъзоларининг Жамият Тафтиш комиссиясига сайланган аъзолари умумий сонининг кўпчилик овози билан сайланади. Жамият Тафтиш комиссияси аъзолари ҳар қандай пайтда Тафтиш комиссияси Раисини Жамият Тафтиш комиссиясига сайланган аъзолари умумий сонининг кўпчилик овози билан қайта сайлашга ҳақлидир.

5.2. Тафтиш комиссиясининг Раиси унинг ишини ташкил этади, Тафтиш комиссия мажлисларини чақиради ва уларда раислик қилади, мажлисларда баённома юритилишини ташкил этади.

6. Тафтиш комиссияси аъзолари (Тафтишчи) нинг ҳуқуқ ва мажбуриятлари

6.1. Жамият Тафтиш комиссияси ўз ваколатларини амалга оширишда фақат Ўзбекистон Республикаси қонун ҳужжатлари, Жамият Устави ва Жамият акциядорлари умумий йиғилишининг қарорлари талабларига амал қилади.

6.2. Тафтиш комиссияси аъзоси қуйидаги ҳуқуқларга эга:

Тафтиш комиссияси мажлисида шахсан қатнашиш, йиғилишда муҳокама қилинаётган масала юзасидан регламент билан ажратилган вақт доирасида сўзга чиқиш;

Жамиятининг фаолияти тўғрисида ахборот олиш, шу жумладан Жамият бошқарув органлари мансбдор шахслари, Жамият ижроия аппарати таркибий бўлинмалари раҳбарлари ва ходимларидан текширув мобайнида пайдо бўладиган масалалар бўйича ёзма тушунтиришлар олиш;

Тафтиш комиссияда ишлаганлик учун (агар тақдирлаш пули тўлаш Жамият акциядорларининг Умумий йиғилиши қарорида назарда тутилган бўлса), тақдирлаш пули ва (ёки) харажатларнинг компенсациясини олиш;

қонунчилик, Жамият Устави ва мазкур Низоми мувофиқ бошқа ҳуқуқлар.

Тафтиш комиссия аъзолари ўртасида вазифаларни тақсимлаш Тафтиш комиссия Раиси томонидан ҳар бир аъзоси учун аниқ амалга оширилади. Тафтиш комиссияси ҳар бир аъзоси учун тақдирлаш пули миқдори акциядорларнинг умумий йиғилиши қарори билан тасдиқланган “Кузатув кенгаши, тафтиш комиссияси ва ижроия органи аъзоларини рағбатлантириш тўғрисида”ги Низомда белгиланади.

6.4. Жамият Тафтиш комиссияси аъзолари қуйидагиларга мажбурдирлар:

Тафтиш комиссияси мажлисларида, Жамият молиявий ва хўжалик фаолиятини текширишда шахсан иштирок этиш;

олинадиган маълумотлар махфийлиги режимига риоя этилишини таъминлаш ва тафтиш текширувларини ўтказиш жараёнида уларга ошкор бўлган ахборотни рухсатсиз овоза қилинишига йўл қўймаслик;

Тафтиш комиссия аъзолари ўзларининг лавозим мажбуриятларини ҳалол, шунингдек акциядорлик Жамияти манфаатлари йўлида улар энг яхши деб ҳисоблайдиган усул билан амалга ошириш;

қонунчилик, Жамият Устави ва мазкур Низоми мувофиқ бошқа мажбуриятлар.

6.5. Тафтиш комиссия аъзолари Тафтиш комиссия томонидан у ёки бу қарорларни қабул қилишга таъсир кўрсатганлик учун бевосита ёки билвосита ҳақ олиш ҳуқуқига эга эмас.

6.6. Тафтиш комиссия аъзолари Жамияти имкониятлари (мулкӣ ва номулкӣ ҳуқуқлар, хўжалик фаолияти соҳасидаги имкониятлар, Жамиятининг фаолияти ва режалари тўғрисидаги ахборот)дан шахсий бойлик орттириш мақсадида фойдаланиш ҳуқуқига эга эмас.

7. Жамият Тафтиш комиссияси (Тафтишчи) нинг мажлислари

7.1. Жамият Тафтиш комиссия мажлислари унинг Раиси томонидан бошқа аъзоларига ҳабар бериш йули билан қақирилади.

7.2. Жамиятнинг Тафтиш комиссия мажлиси кворуми мавжуд бўлган тақдирда Жамият Тафтиш комиссия ваколатли бўлади. Тафтиш комиссия мажлисини ўтказиш учун кворум Тафтиш комиссия аъзолигига сайланган аъзоларнинг камида **олтмиш** фоизи иштирок этганида кворум ҳисобланади.

7.3. Тафтиш комиссиянинг мажлисида қарорлар агар қонун ҳужжатларида ўзгача қоидалар назарда тутилмаган бўлса, мажлисда ҳозир бўлганларнинг **кўпчилик** овози билан қабул қилинади.

7.4. Жамият Тафтиш комиссия мажлисида масалалар ҳал этилаётганда Тафтиш комиссиянинг ҳар бир аъзоси **битта** овозга эга бўлади. Тафтиш комиссиянинг бир аъзоси ўз овозини бошқа аъзосига йўл қўйилмайди. Тафтиш комиссия аъзоларининг овозлари тенг бўлинган ҳолларда Тафтиш комиссиянинг қарорини қабул қилишда Жамият Тафтиш комиссия и Раисининг овози ҳал қилувчи овоз ҳисобланади.

7.5. Жамият Тафтиш комиссиянинг мажлисида баённома юритилади. Тафтиш комиссия мажлисининг баённомаси мажлис ўтказилганидан сўнг **уч кундан** кечиктирмай тузилади. Мажлис баённомасида қуйидагилар кўрсатилади:

мажлис ўтказилган сана, вақт ва жой;

мажлисда ҳозир бўлган шахслар;

мажлиснинг кун тартиби;

овоз беришга қўйилган масалалар, улар юзасидан ўтказилган овоз бериш яқунлари;

қабул қилинган қарорлар.

7.6. Тафтиш комиссия мажлисининг баённомаси Тафтиш комиссия Раиси томонидан имзоланади, у мажлис баённомаси тўғри расмийлаштирилиши учун жавобгар бўлади. Жамият Тафтиш комиссия мажлисининг баённомасидан кўчирмани Жамият Тафтиш комиссия Раиси имзоланади, у мажлис баённомаси ишончлилиги учун жавобгар бўлади.

8. Тафтиш текширувларини ўтказиш тартиби

8.1. Жамиятнинг молия-хўжалик фаолиятини текшириш Тафтиш комиссиясининг, акциядорлар Умумий йиғилишининг, Жамият Кузатув кенгашининг ташаббусига кўра ёки Жамият овоз берувчи акцияларининг камида **беш** фоизига эгалик қилувчи акциядорнинг (акциядорларнинг) талабига кўра Жамият Кузатув кенгашини олдиндан хабардор қилиш йўли билан **бир йиллик** ёки **бошқа давр** ичидаги фаолият якунлари бўйича амалга оширилади.

8.2. Текширув ўтказиш ҳақидаги талабнома Жамиятга, Тафтиш комиссияси Раиси номига юборилади.

8.3. Текширувларни ўтказишда Тафтиш комиссияси текширув предметига тааллуқли бўлган барча ҳужжатлар ва материалларни ўрганиши лозим.

8.4. Жамиятнинг молия-хўжалик фаолиятини текшириш ташаббускорлари Тафтиш комиссияси томонидан текшириш ўтказиш ҳақидаги қарор қабул қилингунга қадар ҳар қандай вақтда бу ҳақда Тафтиш комиссиясини ёзма равишда хабардор қилган ҳолда ўз талабномаларини чақириб олишлари мумкин.

8.5. Жамиятнинг молия-хўжалик фаолиятини текшириш якунларига кўра жамиятнинг Тафтиш комиссияси хулоса тузади, бу хулосада:

Жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда конун ҳужжатлари бузилганлиги фактлари тўғрисидаги ахборот;

Бошқарув ва ички назорат органлари аъзоларининг мукофот ва компенсациялари кўрсатилиши шарт.